

貨幣論目錄

頁數

第一章 緒論

第一節 貨幣之發達.....一

第二節 經濟上貨幣之地位及其影響.....四

第三節 貨幣之職務及其資格.....七

第四節 貨幣之價格.....八

第二章 金屬貨幣

第一節 鑄造貨幣之目的及技術.....十八

第二節 鑄造之制度.....後二十

第三節 格列遜之法則.....二十三

第四節 本位貨幣與補助貨幣.....二十五

第三章 貨幣之流通

第一節 貴金之國際的配分及其移動.....三十

第二節 經濟之發達與貨幣之分量.....三十四

第四章 物價

第一節 物價之指數.....四十一

第二節 貨幣數量說.....四十二

第三節 信用與物價之關係.....四十四

第四節 金屬之產出與物價之關係.....四十七

第五節 物價變動之影響.....五十一

第六節 物價與金利.....五十三

第五章 本位

第一節 單本位與複本位.....五十七

第二節 金本位與銀本位.....六十一

第三節 跛本位與虛金本位……………六十二

第四節 金銀合成本位制與計表本位制……………六十七

第六章 紙幣

第一節 兌換紙幣……………七十二

第二節 不換紙幣……………八十一

一 國幣條例

二 金銀重量計算法

三 金銀比價之算法

四 各國貨幣之比較表

五 各國本位制一覽表

六 各國貨幣一覽表

七 中國幣制改革問題

八 世界之產金額

貨幣論目錄終

貨幣論

第一章 緒論

第一節 貨幣之發達

一起源 貨幣者歷史之產物也。故欲明其本質。須先究其起因。且夫人類之經濟生活。由自足經濟而達於交易經費者。文明進步之趨勢也。其在自足經濟時代。經濟單位。自耕而食。自織而衣。各以其所生產供其消費。欲寡事節。無所謂分業。無所謂交易。雖老死不相往來可也。迨乎人智漸開。欲望日大。一族之力。不足以養一族之欲。一地之產。不足以給一地之求。人各異功。地各異宜。彼此相求相需。不惟人異其職。而地方之分業亦起於此。此之所需。彼爲致之。彼之所需。此爲致之。各以其所有易其所無。以其所有餘易其所不足。交易而退。各得其所。而自足經濟遂一變而爲交易經濟矣。夫交易方法之最簡者。直接交易是也。其時有無相通。盈虛相濟。視之自足經濟。凡一衣一食。動須躬自爲役者。已相去遠矣。然物物交易。猶不足以窮

分功之效。而盡交易之利者。設如有人欲以粟易布。必得一願以布易粟者。交易之尤必彼此所需均各一致。而後其交易乃可行。是固不可多得。勢必有欲以有易無。而未得其人者。其不便何如耶。夫然而個人利己心之發動。不識不知。遂有一法焉。出而通其變。而濟其窮。蓋物之足以充人類之欲望者。雖不一而足。要其用途之廣狹。售力之強弱。則不無差等。用途之廣。而售力

之強者。必其爲

社會之所共需者也。舉以易物。無時無地。未有不慨然樂從者。則當交易經濟之始。苟其生產售力較弱。未能惟其所欲。而交易無滯。勢必以其消費之餘。易物之需要最廣。而交換最便者。而後籍是爲介。因其所需出而互市。其需己之其餘。與給己之所欲者。不必同出一人。更不必同處一地。智者創之於前。愚者仿之於後。利己心之作用。蓋有不期然而然者矣。是卽貨幣之濫觴。而亦交易之一事。變而爲買賣之二者也。買賣之興。以貨幣之存在爲前提。其充足欲望出之間接。似不若物物交易。可以直接供其消費。而社會進化交通頻繁。需要供給因時地之殊。未易投合。苟乏易

中之媒難達交換之目的。貨幣之生正有不容己者。古之學者動謂貨幣流通出於人民之協約。或因國家之法令。其然豈其然乎。

二變遷 欲望之發達而分業起焉。有分業而後有交易。有交易而後有貨幣。貨幣所以濟直接交易之窮。惟各物售力互有強弱。故以個人利己心之作用利而用之。不識不知而售力強者遂輾轉流通爲交易之媒。顧物之富於售力者不一其始也。必有數物焉。流通社會苟爲世所共需。即不失爲貨幣之用。自然淘汰之下。劣者漸減而優者獨存。要不外乎天演之公例耳。溯自交易甫興。貨幣之質大抵取資於貝殼畜穀之類。迨金屬採煉之術進始漸有以銅鐵金銀爲之者。蓋既爲交易之介。其單一之量不可無同一之值。而萬物價格以是爲衡。尤必其有分析自由之性質。而後其能事乃畢。兼備此者其爲金屬乎。其始以銅鐵繼以金銀。亦因社會文化之發展生活程度之增進而循序漸進耳。抑是等物質其於未開之牧畜民族農業民族或爲日用之品。或爲裝飾之用。無一非其社會之所共需。藉以易物可備以致用。亦

可初非如今之貨幣祇流通於人民之間媒介交易已也。自然淘汰適者生存金屬因獨適爲貨幣之用者。然其始亦不過環釧器皿之形。半爲交易之介。半作裝飾之品。要於貨幣以外猶各有其用途焉。其限以分量。定以品位。出於鑄造之形。專爲貨幣之用者。則固人類文明史上較新之事實也。經濟學者分財爲二。曰生財產。曰消費財。古之貨幣多屬於后者。蓋供社會之消費兼介有無之懋遷耳。今之貨幣非生產財。亦非消費財。於二者之外更成所謂第三種財。無以名之。名之曰交易財。且夫鑄幣制度者。所以便貨幣之流通也。國固有脫用裝飾品類之習。猶未從事治鑄。而以金銀鏤錠爲通幣者。顧遇一交易。必一一其秤重量。定其品位。不惟廢時失事。爭端且因之而起。其不便不亦甚耶。若以一定金屬。一定之分量。一定之成分。而鑄爲貨幣。頒行全國。則信用昭著。流通廣遠。勞費省而爭端息。其裨益於國民經濟良非淺鮮。此鑄造貨幣之所以不容已也。顧鑄幣機關。非於德義技術二者均卓著信用。則縱劃一其重量。制定其品位。亦不足以取信於天下。又其機關苟存於多數。

者。界各其方式。將何以廣流通而謀統一。而商業交通各方面。亦無不受其影響矣。故國家貨幣。欲其流通無滯。其鑄造機關。固不可不定於一。而尤必有確實之信用。以繫人心。方可以期其必行。適此者。殆莫國家若也。自有貨幣以來。私鑄盛行。必於政治紊亂之國見之。苟權力確實。其鑄幣事業。未有不視爲國家之特權者。整理國民經濟。斯固其重要手段也。

由前言之物之適爲通幣者。以金屬爲最。自貨幣取資於金屬。而流通愈廣。交愈便。其裨益於交通經濟者多矣。然實際之運用。不惟授受不便。而費用亦多。古之時。多以貨幣而兼衣食器皿之用。迨用發達。貨幣進步。斯固無折待於兼用矣。於是思得一輕而易舉之物。代貴重之金銀。盡貨幣之職務。同一之目的可達。而勞費省焉。此紙幣之所由生也。

紙幣之種類。可分爲二。一即兌換紙幣。與不換紙幣是也。兌換紙幣者。非盡廢金屬貨幣而不用。發行紙幣。必以其若干爲準備焉。惟發行之額。與準備之額。其間不無大

差而此差也者。即其所節約之正貨也。不換紙幣。則以國家之權力。強幣之流通。非常之際。用以救一時之急。非常法也。然則貨幣之質。由消費財一變而爲交易財。更由交易財。而更變爲不必有財之性質。而後其目的乃可達。可知經濟界之狀態。常與時勢爲變遷。由實物而金屬。由金屬而信用。貨幣之進化。皆出於時勢之要求。廢金屬幣。而以不換紙幣行之。固不可望於今日。而將來則固不防作如是想也。現今文明各國。其所稱爲貨幣者。不外金屬貨幣與紙幣二者。前已詳言之矣。然徵之實際。此二種外。猶有所謂信用證券。如滙票、期票、支票等類。流通於社會間也。此等證券與兌換紙幣同爲貨幣之代表。故學者或謂紙幣既視爲貨幣。則信用證券亦當置諸貨幣之列。又以或紙幣爲信用證券之一種。均不得謂爲貨幣。貨幣云者。自宜以正貨爲限。而他一派學者。又謂今之貨幣。均具有法律之性質。雖其實質一無所值。如不換紙幣之類。苟以國家之命令行之。皆不失爲一國之通幣。是等學說。其理論皆不無可取。惟其用語與俗所謂貨幣者。語意不合。本講義以普通用語爲

主。凡所謂貨幣者。皆總金屬幣與紙幣言之也。

第二節 經濟上貨幣之地位及其影響

一地位 貨幣者。經濟生活之基礎也。幣經濟之下一舉一動。無不以貨幣爲標準。人徒見有貨幣而謂之富。無不可以立致。謂天下之富莫貨幣若。貨幣以外無所謂財。其在國家獎勵之輸入而禁其輸出。亦無不沾沾爲積金之計。不知國之所以富與財之所以生。不徒在是。今之蹈此誤者鮮矣。然積習之久。中於驕微。正有未泯其故。見者此經濟上貨幣之地位。所以不可不一爲闡明也。且夫天下之財約有三種。曰消費財。曰生產財。曰交易財。消費財者。直接供日用之消費。如衣食之類。是也。生產財者。專爲生產資本。如種子農具之類。是也。交易者。着惟便貨物之移轉。其充人類之欲望。出之間接貨幣。即居一於此也。然則貨幣之爲物。若道路然。追路所以便行旅。無行旅則道路爲之廢。貨幣所以利交易。無交易則貨幣失其用矣。故各人之貨幣。不過其富之一部。其獨見爲異者。以其能隨購他物耳。惟一國之貨亦

然不過爲國富之一部。對內則輾轉流通爲交易之具。對外則購致貨物與他物同其使用。而一國之內貨幣之需要。畧有常數。貨幣加多。則物價必長。進口之貨加而多。出口之貨減而少。所之金漸將散入各國。而貨幣無複充積矣。由是觀之。金銀之供給過於其所需要。則金銀輸而出者。貨物必輸而入。金銀見爲增斯。富見爲進矣。然非出產金銀之邦。此效固未易覩也。蓋國之富於金礦者。居民大半以掘金爲業。金銀乃其出口之大宗。其銷脫金銀之出。即他邦取給之一端也。從可知金銀之爲富出於分散。而非出於積聚。積金爲富。此富之所以不進也。

二影響 由前言之。貨幣乃交易之財。而非真實之富。然其流通與經濟之發達。國富之增進。有絕大關係。是則未可漠然置之也。蓋經濟社會之發展。有二要件。一屬自然。如土地之膏腴。氣候之溫和等是也。一屬社會。如個人之自由。財產之有等是也。二者具備。經濟始克見其進步。而經濟之進步。亦即所以促是等條件益著其效果耳。貨幣固乃代表分業交易自由。而維持私有財產之制者。其貢獻於經濟社會。

良非淺鮮今爲分述於次

一 貨幣與經濟上之自由 上古之奴隸制度無論矣。降至中世封建制行。個人經濟上之自由猶未發達。勞役之報償。悉以物品支給。勞工對於其支給之形態。及其時期。初無自由選擇之權。自物品制 *Truck System* 變而爲貨幣制 *Money System*。不徒購致貨物之時期種類隨其所定。應其條件而供其役使。與否亦惟勞工之自擇。縱所得未見增加。而於個人立身之道。已裨益多矣。蓋移住轉職之自由。勞工安逸之自由。與夫所得消費之自由。皆個人獨立之要素。是數者待幣制成立始獲見。諸實行耳。

二 貨幣與產業之發達 近世之產業組織。以分業爲基礎。而分業之進步。則經濟上自由之結果也。 (*Marshall*) 氏之言曰。就業及企業之自由。其影響所及。得使人人用其資本。勞力於最利之地。且得於特別生產。獲特種之熟練及利便。而遂其生計。於是微妙之分業見。諸世而複雜之產業組織生矣。

蓋自貨幣之興凡百交易出諸間接生產者與消費者之間有商人爲之媒介從事產業不必如物物交易於一定範圍之內應消費者之需求而定其生產苟其技能所適即可勵行無滯需求之有無強弱所無庸計也

貨幣爲產業發達之主因已如上所述矣而產業組織之發展亦愈促貨幣之使用相磨相盪終至生各種之信用形態而成一複雜巧妙之幣制交相爲因交相爲果而經濟社會乃日見發達矣

三 貨幣與資本之集中及其增殖 貨幣用而借貸易借貸易而資本之移轉便焉故貨幣經濟之下散在社會之游金咸集聚於企業者之手其積有資金而不克躬自經營者則轉託諸他人以爲利殖之計是貨幣之用縱未能直接增資本之供給而得助長其活動之力防止其消耗之途資本之効用見爲進斯小當資本之分量見爲增矣易詞言之即世所儲蓄之富悉變爲貨幣之形或儲存於金

融 幅機關或投資於有價證券貨幣未必即資本然其在活動狀態者皆可資爲新

事業之用者也獨是貨幣所以便貨物之移轉不過交易財之一種若其供給之額超乎需求則物價變動社會將胥受其弊非計之得也

四 貨幣與國民的結合 近世之交易制度於國民之團結有强大力存焉蓋分業之進步與夫交易之發展有以使社會各階級相接相近相需相濟而生一種共通利益之感徵之各國經濟史自足的部落之割據因交易制度之發達爲之打破相互依助相互團結而國民經濟於以生斯國民感情於以洽焉

交易之進步不徒使一國人民有共通利益之感其影響所及有足以統全世界而進步其共通之利益保其永久之和平蓋國際分業而各國人民相倚賴國際貿易而各國人民相密接國際資本之移轉而各國產業爲其習慣所離間者因而有打破之傾向倫學者年來所倡道之國際幣制同盟一朝見諸實行則列國之關係愈益密接經濟上之協同終至生政治上之協同而世界之和平可保人類之幸福可增矣

以上數端皆貨幣利益之榮華大者然利之所在弊即隨之天下事未有百利而無一弊者貨幣亦何莫不然茲分爲二項述之

一因貨幣之需求而富之分配陷於不平 貨幣者社會一般之所共需者也故其所有者較他物之所有者處於優勝之地隱然有一種之獨占勢力焉 *Nicholson* 之氏著經濟原論痛論富者之權力時制貧者之生命謂古之時貧者每因生計而失其自由至今猶有以一身之自由易一時之生活者社會主義論者據此理由至欲廢貨幣之使用而以一經呈示即可易得定額貨物之票據 *Arbeitpapier* 代之然貨幣之流通與貧富之懸隔未必有直接之關係試申論如次

一貨幣不過交易財之一種只積有貨幣實無所利必用以爲購置貨物之具焉蓋富之云者非富有貨幣之謂富有利用各種貨物之力之謂也然則社會上富之權勢在乎貨物之豐富而不在乎貨幣之充裕也明矣且夫賣買交易之際買者較之賣主果處於優勝之地與否未可輕斷勞力之賣買或不免有此